

四庫全書

集部

欽定四庫全書

集部
御製詩初集卷十一

臣 永瑤 恭 校

侍讀臣 孫 球 覆 勘

總校官原任中允臣 王 燕 緒

校對官學正 臣 李 巖

謄錄監生 臣 李 元 位

欽定四庫全書

御製詩初集卷十一

古今體一百二十二首 壬戌四

秋夕 時八月十九日

遲遲玉蟾上想為惜時留桐影闌干露花陰絡緯秋踈
砧來遠墅涼籟入高樓天地望中濶山川詩裏收

秋蓮曲

泣露珠淚多臨風霞袂冷芳時不忍捨依依鏡中影莫

嘆明夏隔春冬錢塘油壁無來踪

文君白頭吟

牡丹開時置錦帳叶牡丹謝時委路旁
憐新棄舊皆如此何必相如薄
情子不妬茂陵人如花只恨當壚時
便差白頭吟罷心獨苦叶請君自讀長門賦

野景

林野蕭疎曉氣寒金風過處草聲乾
天高雲影留微縷水落沙紋作淺瀾
雁字寫殘青漢迴馬聲嘶斷綠臯寬

分明去歲邊關景只少楓黃與槲丹

郊行雜咏

白雲蒼樹仲秋天
應歷西成入咏箋
最愛村垌行處好
香生新稻颺炊煙

納稼忙兼播麥忙
村村風裏簸新糧
農家但願豐年慶
徹夜無眠也不妨

社鼓聲催達遠村
菜畦瓜架間籬垣
老翁纔放眉頭感
煮餅蒸糜獨弄孫

秋海棠

流芳泣涼露發色裊清籟秋來卉亦繁草本此為最韻
入翰林哦態憑藝圃繪亞盆有餘姿傍砌舒清馥愛此
八月春見廣羣芳譜何必紫綿枝空傳杜陵叟西蜀未留詩

爽

浮雲不惹遠峰尖天宇高空掛曉蟾平楚昨來看綠減
遙林今後想丹添漫言春色曾無匹信是秋光却可兼
策馬微吟衣袖爽金風玉律入清拈

露

綴草比珠圓被浦和煙潤
眠穩北來鴻一樣為霜信

題仇英桐陰晝靜圖

日長山靜綠梧稠坐聽沿階活水流
一室蕭然惟四壁
片言得意足千秋心將太宇同
寥濶意與閒雲共去留
掩卷匡床高卧處蝶原是我我原周

仲秋御園即事

新涼侵翰席佳景入吟評
月桂廊腰馥霜瀉天半鳴爽

澄蘭沼鏡籟泛竹林箏極目西成好憑軒獨暢情
水落沙紋出苔消蹊逕長階蛩鳴意懶梧月望中涼欲
老荷彫謝將歸燕頰頰今朝看楓柏秋染半丹黃

涼

徹夜金風爽微涼透帷幪清曉眇天宇霧氣消山巖桂
香昨來稀楓黃今後添鏡湖增細縠玉旻蔚淺藍軒榭
堪從倚草木供清探菊笑砌旁微荷醉池中酣代謝有
如此物物至理會

納稼

萬頃黃雲我稼同
腰鑣欣看刈金風
稍紓眉感籌晴雨
敢懈心憂說稔豐
村舍煙濃新餅熟
隴畦露潤晚年荒
淮揚異漲今消否
幾度思量倍省躬

楓

翠屏開列嶂極目愛丹楓
萬縷霞輸爛千林秋染紅
傍岩明夕照臨水韻金風
瀟灑寒皋暮詩情訝許同

秋夜雨

浙瀝聲中玉枕支新涼幾許費嗟浴濕淋蛭怨階旁蘚
冷逼烏眠苑外枝秋墮乍欣滋麥候茅簷還慮授衣時
由來治理慙三五不寐中宵展轉思

望西山

落葉遊絲素宇空疏眉八字點丹楓秋山無恙秋光好
盡入高軒一覽中

翠微幽逕入雲斜矮屋踈籬三兩家到晚千峰銜落日
紅蓮朵朵卷牕紗

怪底朝來切峭寒，遙峰天外玉龍蟠。
昨朝菊雨蘇新蕊，香滿階墀珠滿盥。

秋霖淨洗綠鬟濃，蘭若鐘聲度澗松。
他日吟詩何處好，白雲紅樹最高峰。

心遠閣秋眺

松柏青青槐柳黃，登高把菊作重陽。

時九月
初六日

卧楹寫霧

軒牕迴飛觀，圖雲翰墨香。
簷鐸風聲傳梵唄，稻畦秋景
貌江鄉。吟餘試看前春句，樹影依然上粉墻。

牕影

日影向南移照我文牕紗牕明几復淨一室秋光嘉扶
踈衆木枝弄影紛欹斜不聞蟬笙喧猶餘鳥語譁遶興
或敲碁消渴還煮茶安得分此樂遍彼萬民家維揚三
秋漲其民為魚蛙閩漳三春旱阻饑子哭耶畿輔薄有
收歉多安可誇以此展轉思中夜常咨嗟樂少憂恒多
吾憂曷有涯

菊

枝頭遲綻太真黃
盡道今年秋信長
忽見階前舒晚艷
菊花端不讓重陽

不獨傲霜兼傲雪
果然宜畫亦宜詩
明朝九日應開宴
金盞銀臺恰應時

九日侍

皇太后登高

飛閣凌雲切太清
金風玉露麗仙京
登高詎暢吟秋興

獻

壽還申愛日情巨野青螺凝翠巘沿隄錦雀

見廣羣芳譜

綻

寒英遠郊近墅紛如畫望裏欣聞打稻聲

慈雲寺

九秋邁王路六轡歷禪關地靜延輕爽門虛對遠山繞
林寒鳥沸點砌野花殷憶昨踈閒甚吟詩松竹間

一向耽幽寂佳境輒尋歷憑輿憶舊遊題詩應在壁鳥
啄柏子落僧引泉花滴已去聞鐘聲半在雲中擊

通州道中

白雲紅樹通州道
麥隴禾場九月秋
好景沿途吟不了
幽風圖畫望中收

漁舟蟹舍儼江鄉
蟬螬橫波飲練長
策渡漫思荷芰綠
亞洲賸有荻蘆黃

今年直隸秋收倍常
憑輿有喜因示接駕衆官

撫字心勞我爾同
西成欣閱異車攻
應籌教化緣加富

莫弛憂勤恃屢豐
路不拾遺非邳治
路不拾遺美政也
而有偽為者故云

野多滯穗始溥風
清時詎貴催科巧
休養還期盡乃哀

聞雁

去歲龍沙人射雁今年薊野雁書人一般剪燭吟行帳
幾箇衝煙度遠津月色寫空珠露白沙痕漲浦殺波新
衡陽此去來應速好帶洞連湖上春

咏掛瓶

官汝稱名品新瓶製更嘉隨行供嘯咏沿路擷芳華掛
處輕車稱簪來野卉斜紅塵安得近香籟度惟紗

曉行

秋日懸清麗太虛鳴鞭颯爽拂衣裾
野花綴露溶溶潤
村樹經風漸漸疎
人指青帘尋酒貫
鳥啣翠羽帶煙梳
詩成不用奚囊記
付與橫空雁字書

三河縣

近山風轉嚴當秋
樹如綺策渡過三河
馬足怯寒水秉
穗堆圃場老幼趨
墟市稍免凍與饑
憂餘亦生喜
尋思赤縣廣安得
皆似此

兩廣總督慶復奏報廣西太平府地湧泉水灌溉

田禾喜而有作

粵西火畬地尤厯時雨暘曾聞夏仲月旱魃稍為殃企
望佳音報殷憂殊未央乃者荷天賜湧泉山之旁灌溉
數千畝源遠流澤長潺潺敷廣野泱泱活新秧豐稔欣
有兆大吏馳封章有年願率土况在魚稻鄉依稀寸楮
間而聞餅糜香所樂在田疇非為誇嘉祥

涼

一夜西風吹幔屋天空野曠寒威縮牧馬禁月不敢嘶

車鈴喚曙金聲肅王畿之內尚如此何況玉關千萬里
清時雖喜烽火銷尚有迢迢征戍子嗚呼戍兒莫苦辛
天下誰非逆旅人

恭謁

景陵感成長句二首

憶昔髻年沐

寵光於今忍讀閔予章望中松柏雲霞護夢裏

音容歲月長孺慕那窮終古恨眇躬自問紹

庭方趨陪百爾歌思切尚有當時鴛鴦行
去年雁塞駐離宮有恨霜烏語并桐今歲

鼎湖瞻玉劍無聲石馬立秋風目窮碧漢孤雲白淚灑
寒皋落日紅翠柏丹楓紛似昔

羹墻愰慕祇成空

石門驛

午過石門驛秋風吹廣陌廣陌正西成場圃地無隙與
與帶秉禾青青盈隴麥最喜秋雨足綠野會渥澤老幼

無菜色倉箱頗有積四顧生歡心青驄不須策路旁一
農父倚杖愁默默豈伊憂喜殊其言鄙而得前年夏無
收所種供蝨賊去歲薄有獲僅供半冬食今秋倍去歲
銜刈殊費力租吏下鄉來教接完賦額吏去業主至逋
欠坐求責吾農三時勞曾無一日適我聞淒然悲執政
無良畫井田與均田制頗垂簡冊行之時勢異得寸還
失尺罔民焉可為恒產究安則翁其善保軀展轉增歎
息

望桃花寺

疏山通鳥道，間樹出精藍。
殿閣凝秋靄，川原靜曉嵐。
鐘聲天半叩，塔影鏡中涵。
尚憶十年事，孤吟古柏南。

行營晚秋

原隰靜深秋，峯巒銜日暮。
風來谷口寒，落霞亂歸鴛。
點野有黃花，繞村無綠樹。
即事一徘徊，曠懷良可賦。

月

流光和谷靄，寫影帶秋寒。
好向邊庭咏，偏宜武帳看。
牧

羣聲欲斷野燒燄將殘
珍重姮娥御遲遲度遠巒

落葉詩

落葉因風不自由
故枝好在恨難留
傍崖已分填黃土
臨水何妨付碧流
笛裏江城梅五月
琴中沙浦雁三秋
人間別有傷心處
逐客離妻一樣愁

綠褪紅稀綠更紅
當前幻色總成空
生憎雜沓來飛鳥
真惜飄零類轉蓬
桂父謾誇歌絳雪
桃娘直欲嫁西風
輸他松柏丰標在
獨立青蔥晚籟中

逐霜含吹本無心古寺空庭趣轉深月下半床還訝雪
風前一樹不成陰獨憐躡榦驚烏寐詎類迷鼓有蜨尋
陸賦陶詩批點過千秋誰是寗知音

吹萬窳刁越樣殊千林隕穉只斯須即空即色叅生滅

是耶非耶若有無

用漢武帝落葉哀蟬事

夢入華亭同怨鶴歌傳

夏口類棲烏憑誰倩得荆關筆寫向疏峯四五株

金飈玉律近如何拂柳飄梧力轉多光逗一林湘渚月
影搖千里洞庭波芳心已盡思前蘂生意無能續舊柯

蠟炬春蠶差比似黃姑誰道隔銀河

無情殘卉却知秋寂助騷人感賦愁詎擬推輪生大輅
果然落葉起龍舟

見宋史樂志

頓頭自是誇倪范洞口何能

致阮劉莫認釋迦拈不起由來天地一浮漚

途次雜咏用上平聲韻

黃鋪御道翠華東剛過重陽落帽風
晃漾霜花盧野白
迷離煙樹薊門紅

村村社鼓熟秋醲插鬢花斜醉老農便欲咨民疾苦事

扶携黃白許相從

淋河不用布帆簾
疊石為基木作杠
行過龍門迴望處
野煙寒葦占秋江

素空片月照羶帷
搦管間吟有所思
去歲龍沙今薊野
幾忘駒隙暗中移

松柏森森閱

寢扉每從冠劍仰

音徽人生至此無餘恨
淚灑西風獨自歸

良農帶月耕新隴野老凌霜剪舊蔬寄語膏粱知此味
豐年漫恃衆維魚

犁罷麥田牛舐犢宿來慕浦雁呼奴薊州南郭經行處
不與江鄉秋景殊

何年峯頂建招提翻覺嵐光出谷低他日吟詩雲壑上
鈴聲幡影待重題

焚檀漉雪趁清懷幔屋蕭間可作齋携得沿途秋色在
一枝野菊插瓶佳

煙程水驛共徘徊炊黍蒸梨入賦材九月金風多北至
二陵佳氣鎮東來

九秋風物趁時巡信是農居別有春多黍欣同孫子樂
為旗還兆室家溱

石路琅玕鎖碧簷上方鐘磬下方聞山僧閉戶黍無始
不管閒階歸晚雲

一川暖影散朝暎白草黃榆逼塞垣豈為豫遊紆逸興
幾多民瘼待思存

朝嵐夕靄逗輕寒
絳樹黃花秋未殘
詩裏河山疑白社
望中圖畫是田盤

虎帳幾餘暮景閒
坐看孤鳥自飛還
却憶盤山山絕好
吟詩遙寄白雲間

題天成寺江山一覽閣

明發陟山巔
天門闢曉煙
翠華隨日轉
緹騎帶雲旋
野色供清眺
松聲答響泉
重登蘭若閣
題句憶前年

高閣坐秋風
江山一覽中
低臨雲影白
亂纈樹梢紅
佛

殿嵐初合僧房竹暗籠靜思延賞意不與侍臣同

登盤山作

金根遙指碧雲隈磴路林扉迤邐開石裏流泉聞不見
煙中飛鳥去還來南臨薊野耕桑富北枕盧龍闕塞恢
詎比登封誇豫大每思山木毓良材

題李靖舞劍臺

壯士今何在空餘舞劍臺名隨流水去客共白雲來松
韻雄風謾川明匣水開幾多評古意清咏久徬徊

盤谷寺恭依

皇祖聖祖仁皇帝元韻

時巡行夏令秋稔賴

天恩式閱田盤處言瞻法海門璇題今尚煥釵脚古稱
尊敬識

當年意豐碑鎮厚坤

雲罩寺作

應接真無暇山川果有靈谷煙披亂絮瀑水瀉懸屏錦

片千章紫蓮花萬朵青徐無最高處極目偶延停

經唐太宗瞭甲石

石名瞭甲枕山陂遺蹟貞觀藉撫追若使當年無此役
何須重建魏徵碑

再題盪谷寺

盪谷無定名太行亦有之是處兩山環不知名者誰我
來正清秋萬樹丹黃姿間以蒼厓松尤比春林竒石磴
溜鳴泉峭崿雲四垂佳景面面殊圖畫行行披依山闌

新逕掃苔看古碑塵心一以洒不覺歸轡遲

盤山懷古

田疇不賣盧龍塞李靖空餘舞劍臺月鏡團圓誰掛得
峯蓮翠律自飛來定光燈影猶飄忽茶子松精類詭談
只有開堂傳寶積求心何處一言該

瓶菊

野菊多佳色紛披隨路有帶露採其英正值重陽後簪
瓶饒態姿離野無塵垢不辨麝香黃那論金鈴醜譬彼

陶彭澤得此可無酒

曉月

茅店雞鳴曉煙溪客渡津無須珠照乘博得影隨身旅
况饒千樣長空祇一輪纖阿曾有約萬古助行人

暮

夕陽猶在高峯尖牛羊下來秋谷豁風聲野色闌暮冷
須臾東林上古蟾幔城羶屋清宵靜鳴笳彷彿龍沙景
獨待封章剪玉檠授衣時節思量永

行營

詞臣橐玉筆壯士枕龍戈策馬前溪渡鳴騶峻嶺過羽
林嚴警蹕鶴衛謹誰何武備從來要清時塵慮多

覽高斌奏報淮水漸消喜而有作

憂心日日在揚州玉食無能解愁愁覽奏喜聞洪漲退
中宵稍為展眉頭

寫霧軒

在髻髻山
有天仙廟

朝雲乍捲滴螺鬟贏得秋軒片刻閒烏帶村煙衝碧落

霜酣楓葉闌紅殷如茲色相山雙髻不舍清泠水一環
聞道地靈神所宅長期福履佑塵寰

湯泉行宮疊舊韻

地學華清宮波迴鏡影空人吟今夕月樹韻去年風鳥
散餘音在山明遠色同所欣秋有稔稍慰閭閻窮

御園初冬

曲池澄澈水增波近小陽春景氣和愛看殘紅留舊榦
却疑嫩紫放新科魚偏識節羣辭餌霜降後魚不餌鳥為知寒

自補窠贏得一牕明影在年來詩思箇中多

丹楓黃菊鬪霜朝晚翠西峯入綺寮蔓引老壺懸敗架
波沉碎葉貼歌橋時披青簡垂前鑒却愛蒼松獨後凋
詎為幾餘弛乾惕淮揚南望廬懷遙

兩樹

兩樹非同根各植山之隅苑枯閱歲華相離十步餘枝
榦日以長輻輳成一株同被春風吹共受秋露濡揣稱
如連理侔色羞菰蒲下視其本根反似越與胡一旦斧

金匱要略卷十一
柯尋零落供樵蘇異類不能顧同根空悵如嗚呼世人
有如此踈者翻親親者踈

冬日討源書屋

霜後菊猶黃冬初楓尚紫書屋臨清流一匣鏡光美翰
墨生古香俯仰探幽旨心法與治法非彼亦非此

初冬北遠山村

亭皋淡寒林坂原餘殘菊山村學溪莊竹籬圍茅屋欲
驗農功勤時寓幾餘目值此三冬初樂彼五穀熟雞犬

靜埒扉秉穗堆困簾稍慰心中憂未釋眉間感維揚尚
阻饑秋來漲淮瀆風冷棚居民幾多向隅哭雖覃賑濟
恩豈能遍瑩獨小稔何足侈緬懷增忤恧

射

膠榦樺為飾楊枝羽作翰不須皮是主因以德堪觀較
武超羣技稱觥洽衆歡同然思中的祇為示人難

恭祝

溫惠貴太妃六旬大慶

小陽春日麗蘭闈壽悅初懸瑞靄霏南極星輝綿鶴算
西池慶衍映霞衣芳流彤管

徽音永惠逮椒宮令望歸

領領當年承厚澤稱觴幾度念依依

冬月

虬榦韻寒影貝牕流素光一室忘言永三冬味道長市
語暮方靜城烏冷欲翔因心懷嬾代契理悟盈佳

冬夜遣興

蓮朶蘭膏翠燄浮新詞舊藁檢從頭
汝窰簽弁排陶菊
犀液茶香泛越甌
顧兔輝凝鳩鵲瓦
歸鴉寒集鳳凰樓
問誰領得三餘樂
振觸詩腸未肯休

隔松宮漏數丁東
溫室宵融獸焰紅
乾惕微衷惺丙夜
春容大造驗灰筭
筆花欲抹穿牕月
篆字輕飄度幕風
常憶懷安標炯戒
萬幾獨勅歲星終

賦得望雲思雪意

同雲方出谷釀雪欲漫空未辨瓊英白
先葺羲御紅流

思歸橐籥協氣漸冲融潤逼梧階側香回梅塢中停驂
祝屏翳節玉候豐隆望裏寒原肅祈年願不窮

冬日涵元殿

插架三千玉帙陳明牕領畧小陽春庭虛時聽松風古
香靜還思梅萼新階草向暄猶織毯液波知暖尚拖銀
底緣未釋中心悶多少茅檐失所人

紫光閣武試

承平詎止塵脩文武備兼掄桓赴羣宿霧漸開凝紫翠

凌煙初試會風雲盡正命中皆雙羽解角能彎率百斤
正是需材喻設燎棄繻何必學終軍

武試畢還宮太液池泛舟詠雪示詞臣張鵬翀

瀛島三珠樹江城五月梅液池猶濫濫瓊蕊正皚皚著
柳如添絮溶波似醅醅同舟羞李郭賡韻有鄒枚

延春閣對雪

天衣霞鬣冪寒原詰且瓊雲集瓦駕望去玉龍猶夭矯
舞來銀鳳正聯騫含豪裁句端溪潤引火烹茶古鼎溫

卜麥樂餘憂更繼誰家茅屋凍鷗蹲

冬夜遣興

永漏滴宮壺餘閒息溫室鴉鵲穩新篁景物初慍慍
綺月溶溶簾旌風瑟瑟蓮頭燄花結鴨口馥煙出乾惕
無時間代謝一何疾省歲祈有年勅幾懷無逸

壬戌仲冬御門後至上書房因示弘瞻輩

緗帙芸編散古香經帷舊學重商量憂心未釋勅幾暇
樂志旋生味道長

時講學而時習之章

緗室灰飛新景物瑣牕日

上昔年光吟餘改抹前題句未得筌蹄頓兩忘

冬夜偶作

焰煖室無冬漏長人不寐陽迴梅欲綻香爇煙生翠詩
書味道腴飢溺切憂思况復淮揚地連歲際灾異當此
栗烈時廬念安能置未迴蔀屋春空灑宣席淚裁詩憶
往年蘭膏結金穗

雪

暮靄隱寒春銀花綴碧松髮鬢綿入夜醞釀恰宜冬釦

砌聽逾積瑤林想欲封詩裁思白戰節候應黃鍾

蠟燭

梅颺輕裊小蘭缸宮樹棲烏靜吠龙映几祇教裁玉札
燦燦何用倒金缸昭陽別殿曾銜壁夜雨巴山憶剪牕
露柱燈籠非彼此底須一向覓心降

烹雪疊舊作韻

通紅獸炭室釀春積素龍墀雲遺屑石鐺聊復煮蒙山
清興未與當年別圓甕貯滿鏡光明玉壺一片冰心裂

須臾魚眼沸宜磁

宜興磁壺煮雪水茶尤妙

生花犀液繇於纈軟飽

何妨濫越甌大烹詎稱公駕列挑燈即景試吟評檐間
冰柱縱階坼我亦因之悟色空趙州公案猶饒舌忽憶
江南災饉餘撫字心勞荒政拙九重豈宜耽晏安大君
原為斯民設安能比戶免饑寒三代高風真邈絕

仲冬養心殿

積素凝鴛瓦更籤遲漏銅華棖橫蜺紫藻井倒茄紅几
淨詩情逗牕明梅意融南飛金翼候欽若凜淵衷

咏盆中天竺子

垂垂朱實映鈎簾恰喜陽和折竹占乾闥可猶思舊土
含章未許擅重檐名兼淇澳琅玕美香遜湘妃水月纖
數盡珊瑚百八子不聞聞處悟楞嚴

冬日瀛臺即事

禁城雞樹曉煙凝豁壑天然偶眺登積素墜枝全作雨
懸流落澗半成冰丹樓翥鳳三洲外玉殿疏龍五色層
淮浦災餘籌卒歲肯因清晏釋心憑

馭娑青驄踏玉華鏡中軒閣列仙家步來梅圃殺新畫
坐久冰床當小艇屈戌祥風浮篆細縹緲晴靄入簾斜
天心來復誰知覺有脚陽春已動葭

呵凍

丁丁銀漏雪松穿剪燭批麻午夜便未許輕寒凝鏤管
還期和煦滿華牋昭容何用承龍案學士多應退玉磚
髻髻丁年書室裏筆花飛處小春妍

冬夜齋居

應節灰飛瑄書齋金寫人扶陽思往聖省歲驗斯民斜
景依南陸羣星拱北辰肯堂欽至教同此凜

明禋

南至前一日詣齋宮齋宿

消息微陽屆復辰虔居齋室潔

明禋歲蕤鳳輦迎黃道禁麗龍旗出紫宸

槐柳成行界道明銅壺漏永午窓晴篆煙微裊心如水
寂靜階墀近太清

冲融月窟與天根
治理幾康在默存
守德由來勝守險

當年何事整防門

齋宮猶明朝所建重
塘周池警衛甚嚴云

緹帷候律驗瓊筓
百辟齋居此日同
黼座景長增肅穆
泰壇東峙繚垣紅

梅

暖旭暈冰綃
寒颼勒玉條
花香聞不釀
色淑看非妖
古寺雲封戶
荒村雪到腰
何如宣席側
藉爾卜春韶

冰床

耀綸帷暖四圍垂過渡何須挂棹移無恙風思帆影掛
有時人似鏡光披液池小立看如畫梅岸周旋亦中規
記得當年初破臘推敲詩句座中遲

臘日侍

皇太后遊瀛臺恭紀

臘雪纔封釵玉除祥雲羣捧

大安輿眼前景物供吟筆鏡裏河山入綺疏梅蕊嫩還
依日煦柳條禿不倩風梳春暉煥景仙壺永至樂優游

奉

起居

驅儼行

歲聿云暮晷漸長鬱儀馭日行北方大儼逐疫掌方相
叶蒙熊塗面朱衣裳百廿俚子其盾揚桃弧棘矢劍戟
搶鼓以大鼗聲彭彭叶茅鞭倒拽炬火煌鏤鏤猱貌凜
如霜食咎食夢鬼為糧赫然一怒魑魅蔽迎新逐衰受
天慶叶春滿皇都來百祥

琴

古錦囊韜龍門琴朱弦久歇霹靂音安得伯牙移情手
為余一寫山水心

養心殿對雪

密雪灑遙天同雲凍宇連宮梅重糝玉殿柳先衰絲節
卜春和近思叨

帝澤宣隴畦凝思處綠麥正芊芊

禁中雪松

素積蒼枝凍未流，迷離寒景入吟眸。
後凋獨自撐青蓋，中禁羣看舞玉虬。
不必孫康曾映簡，却教蘓武得披裘。
韶光已漏陽和近，化作恩波滿御溝。

摹唐寅折梅仕女圖因用其韻

羣芳譜裏冠春臺，拘得南枝幾朵開。
恰似壽陽初睡起，渾忘點額玉珠來。

積素

積素龍樓曉景澄，霓鸞振迅月娥仍。
練光破臘披鵝鵲。

線晷迴春映綉橙凍結釘頭踈復密雷垂瓦齒滴還凝
氤氳未肯全消日為鈿重檐玉幾層

臨文衡山仿倪迂小景即用其自題元韻

消閒戲墨勝分茶詎論倪黃各擅家楓岸却如吟小杜
茅齋雅稱讀南華度橋詩意行騰草映座生香佛鉢花
古樹幾梢煙靄淡晚來隨分噪歸鴉

除夕

送臘椒花頌迎春柏子焚一條蠟燭盡兩歲景光分和

氣宮闡滿歡聲市井聞陽春占有脚與物共欣欣

御製詩初集卷十一

欽定四庫全書

御製詩初集卷十二

古今體六十六首

癸亥一

元旦試筆

蒼龍抱斗紫宸邊
金烏騰暉玉闕前
鳩鵲和凝餘臘雪
眾愚春滿颺晴烟
皞熙何日還三代
禮樂今時屆百年

我朝建極中華甲
申至癸亥正百年
保泰持盈心曷極

圓穹對越永乾乾

青陸韶光際泰升
庠和積漸被黎蒸
敢誇玉帛陳王會
饒有憂勤與日增
寶鴨夕熏燃苑柏
華扮春勝剪宮綾
對時志切三才奠
撫序心殷六位乘

上辛祈穀齋居

三朝度王正六日
屆上辛青陽靄彤
墀海瑞含韶春萬
彙昭以蘇昌昌荅
令辰惟予繼百王
祈穀遵先民滌志
此齋居穆穆將

明裡心乎曷思維
政事有弗勤屋漏
苟或愧其奚對

昊天

叶

祖宗廓丕基肯構賴子孫彼野有遺賢何以拔茅掄彼
民有竊歎何以咸聽聞凡此恭默思愧忤流汗頻尚希
鑒予衷維

皇降康年

叶

詣齋宮

步輦迎黃道鈞陳衛太清上辛遵自古先日恰宜庚臘
雪餘恩潤朝暉湊暖晴井間燈事近歡動鳳凰城

上辛日

祈穀

東陸暉晴旭

穹壇颺瑞烟上辛邀

帝佑依古重民天量幣牲惟犢燔柴燭被田八音調太
族九奏叶朱絃寅祀增乾暢駿奔敢後先繼繩思

祖德對越儼

皇乾百辟威儀贊一衷夙夜虔祈年陳至願

錫我有秋連

人日

簪裾鶴禁曉景色鳳城新七日人爲日三春物盡春盤
蔬襍堆韭屏勝細鏤銀次第陽和滿從知大造仁

韶華漸可尋人日此登臨雪色晞陽怯苔痕傍砌侵階
莫無落葉谷鳥有佳音綵片何須剪春光入上林

立春日擬春帖子

詖蕩天閭鬪物華銀旛寶勝受風斜無私共仰鴻鈞德

一律春回萬姓家

十葉階羹次第舒青韶醞釀滿龍除
鄒陽律共春風疾
一日吹噓遍六虛

正月初十日立春

青帝重閭當曉開銀蜍朱鳥共徘徊
簪來勝綵三朝復
數盡階羹十葉纔豐澤摘辛堆玉盞

慈寧獻壽捧金杯漫言閏月遲時令
試看韶華袞袞來

食粟

小熟大者生大熟小者焦大小得均熟所恃火候調堆
盤陳玉几獻歲同春椒何須學高士圍爐芋魁燒

建福宮新春

禁城景物報和韶初轉寅方玉斗杓漏洩春光梅破蕾
招搖風信柳拖條池心鏡面冰將解牆角銀根雪欲消
棖撥詩腸量多少新年覺比舊年饒

含陽苔色兆根菱勝裏宮花鬪早梅堂構萬年繇福履
黃黎九有上春臺蘭苔翡翠相容與鳳閣粉椽各實枝

試看新蟾眉樣細分明報道上元來

照壁熊丸燦九華祥烟濃作赤城霞土牛新看牽春至
綵燕初飛掠曉斜臘雪猶然戀鴛瓦東風全不發綾花
願將建福宮中福錫與寰區萬姓家

元宵煮浮圓子

美擅團圓節名傳燈月筵清風同說餅嘉夜煮浮圓月
桂三春馥星珠五緯連大官傳故事聊爾聽應然

早春

青帝車輿肅肅臨柳稊
蕓茁日侵尋花心乾闥城
漚影鶴古婆羅門呌音風
暖院梅留月醉雪消簷溜
帶烟斟千尋火樹連宵發
盡道春光最上林

新春試筆

顛穹雲物麗青陽太史占
風又叶祥十葉階蕓敷燠
沐八方農事候牛芒辛盤
應節宜春好亥字書年壽
世長章部從知歌樂歲寰
中五穀定逢昌

正月十二日幸圓明園

步輦逶迤出禁闈微風燈信布光春雪消麥隴青含潤
喜動茅簷望歲人

纔見宜春綵燕飛是月十日
甫立春行看映月玉蛾輝砌苔隄

柳添顏色都報韶光次第歸

元宵聯句浮圓子都人以元宵
節食之遂名元宵

御製筵開三五夕品薦半升鐺饌玉神仙從

煎沉羅綺迎驗豐同拒教侑食奏絲笙簷葡萄香分

豔臣張
廷玉團團月並盈琅霜和石髓揭露瀉金莖牢

九稱惟舊

臣鄂爾泰

御製筍三簋用精圓融如意粒甜滑自然杭體借蟾蜍魄

奇傳沆瀣英常留春日意恰稱令宵名的的星丸

皎臣徐本離離翠釜晶流匙膚軟美可口氣和平上

米糝纖粉

臣任蘭枝

御製佳瓢裹碎瓊皎人珠是淚賈客綵爲棚果腹三彭祛

克庖六飯輕礮成平壤貢湘出大官擎潔匪同寒

具臣張照甘還比脆飴泥金唾北里舉箸念西成炬

影千蓮射

臣劉統勳

御製泉飛萬琲瑱藻思抽乙乙銀漏任丁丁失去驪龍睡

歡來綠蟻傾恩波同溟渤學海叶韶韻白粲耆農

飽

臣蔣溥

黃繇稚子綳迎年貽戚鄙獻歲祝宗祊五

緯珠相貫

臣梁詩正

御製三花藥不爭湯浮元玉子椀作廣羊桴羿引弓方滿

媽游彈粹桴顆勻堆礪砢圓轉互控振道古傳荆

楚

臣汪由敦

而今滿市城風團謝家絮霜點洞庭橙一

氣雙丸轉

臣錢陳羣

御製元宵百福并周詩空炫綺楚會漫傳纓沸水彭亨泛

頃筐錯落盛嘉生真

帝食野具勝侯鯖肖物

天章麗

臣嵇璜

摛華

睿藻縈品題誠忝冒刻畫意縱橫珥筆

恩光渥

臣觀保

御製傳柑喜起麝放饒頤盡朶怯敗眼誰瞠羽士丹程煉

金步四八
卷十二
天廚寶粟羸鹽梅無可著葵藿盡餘生濫與鑪煨

芋

臣張廷玉

御製還同野食革莫便茹去乙有餒暗呼庚燈映雙撐鹿

花開四照楹鈞天聽法曲率土祝觥觥歡喜園中

果

臣郭爾泰

御製琉璃鉢裏程何須誇異味乍可解餘醒煮石摩訶似

拋毬設利呈萬株傾栲栳千月在甌甃詠比題糕

窘

臣張照

御製吞珠說餅儉利方謝人巧尚白息天點是物高聲價

芳時荷寵榮細敲聯鼎句行看鬪雞坪應節宜嘉

夜

臣張
若霽

御製養賢比大烹韻應齊酪粥味不雜螺螿底事詩情暢

先春散六霽

題鄒一桂百花卷

東風貽蕩珠斗旋女夷早識當司權探春爲使冒曉寒
垂垂雪節報韶年東郊迎春春可憐楮黃袍笏映日暄

是時紅梅方燦然暗香踈影笑逋仙曉粧學杏鬪芳鮮
九嶷萼綠環珮珊不許舞蝶知因緣湘妃波上猶躑躅
雲儀霧從衣袂聯九龍爲御不須鞭一品九命瑞香團
味輸龍沉與麝蘭萬粒齊綻雪點殘詩人漫誇紫毬般
寶珠山茶出祇園楊妃焦萼空喧傳滋蘭九畹憶屈原
凌駕菘蔬突蕙荃東皇綬帶垂翩翩管領嫣紅姹紫天
南陽諸葛卧龍蟠只今遺種猶田田玉李含桃相膠連
繇英碎辦春星攢色香不辨孰媠妍百花領袖文杏專

上林仙子名姓宣亦有行人斷魂牽清明時節村舍邊
雙雙金雀何飛翾宛同社燕珠簾穿紫綳垂絲笑鬢媽
欲綰青陽片刻延荆花解令昆仲歡不須更咏棣華篇
光風轉處蕙叢芊態比吳蘭羞媚嬾野薇含笑美且鬢
苧蘿村裏浣紗人叶蝴蝶慣抱花心眠紫羅花鳳低枝
駢海棠貼梗種尤難元都觀裏春將闌桃花人面啼闌
干雪梨映月小院偏木筆點咏芳園閒昭容紫袖俄雙
蹇流蘇萬結壓井欄薔薇金朶垂離垣如來迦葉曾示

禪何來於菟繞戒壇比邱伏後都忘荃誰將荷包名牡
丹滿貯春和露未乾輕條出水波濺濺弱榦掩映梳烟
鬢銀絲萬縷疑珠貫叶瑤葩真是抵金錢浴蠶初罷豆
花繅不與桃李爭春官遠蹊棠棣常偏反叶滿囊金粟
勝霜私雙成上元紛騎鸞石家步障金谷筵紫絲十里
圍芳阡沃丹九轉駐朱顏虞姬杜鵑愁滿川藥珠宮裏
綵毬懸蘭膏微暈胭脂殷名傳西府堪吟攀長春四季
開爛編直將春秋紀八千叢叢石竹疑湘斑洛陽魏紫

尤稱尊瓊田瑤圃樊杜班沉香樂遊應并刪身傍小玉
欺素蠻木香郁李枝連蜷玉堂佳客揮吟箋繽紛翠羽
來空山亞盆梳子麗且嫺但聞蒼筤餘香捐忘憂寂愛
北堂萱豆籬花滿涼蛩喧金銀引蔓飄溫磨蜀姬濯錦
錦浪翻石榴爭似葵心丹南中金絲五出圓盈盈黃苞
襯綠盤千葉翠桃敬晚烟連昌宮牆那能關還疑洞口
尋劉阮叶玫瑰宜上美人鈿纏枝千結芳菲魂佛國嘉
種稱旃檀離垢頓悟倒剎竿渭川遙接武陵源觀音幻

柳何曾觀石菊凌霄剪碎紈或綻砌旁施松顛海桐濛
濛清露溥淥波初日舒芳蓮亭亭翠蓋凌風軒處妃羅
襪步銀灣郎名紫薇侍金鑿晚香未入嵇含編岸蓮紫
鶴淨粉鉛玉階岸幘雞人冠露晨報曙瑣窻前清江紅
醉雁初還牽牛七夕鵲橋填秋葵鳳仙簇蘚磚美人綠
鬢映貂蟬聞雷悟處同風旛馬蘭珠蘭爭笑嗎茉莉吐
馥髻雲霞海棠秋染紅霞痕幽馨逸態難具論淡竹不
離僧伽肩芒鞋掛處鐵線纏漢宮秋色赤燄燁玉簪插

髻清芬噴藍菊翠梅各婉嬋桂花丹粟月窟根木樨弄
影臨清湍夜來香綻花鬢鬢桃蹊李徑委榛菅九秋佳
色東籬存當年陶令興盤桓金英落砌猶堪餐嘉名萬
壽薦壽搏月月紅粧燦朝暎芙蓉寒倚夕陽灘江鄉一
幅圖范寬纍纍天竹綴琅玕山茶豔質名玉環香傳真
蠟薇露湔月明林下殊清便玉梅宜殿花王銓更番風
信非虛言明年芳事從頭看

上元前一日雪

臘雪將消春雪宜三農望歲喜應知麥針簇簇皆垂玉
柳絮飄飄半挂絲色借金鰲增天矯光凝銀蒜正迷離
無妨似幕同雲布况是冰輪未滿時

上元前一日宴外藩王公

試燈酬令節錫爵宴嘉賓玉樹花輝夕瓊枝火迫春

是日

雪蘇東坡詩飛霰欲要先
桃李散作千林火迫春

乍攢星作閣渾以雪為銀柳

眼將青放梅腰半粉皴三巡歌湛露午夜糝珠塵燿爍
鰲峰駕蹕躡鷺羽振混同思

祖德燕樂擬家人共慶豐年瑞應知

大造仁

元宵喜晴

元夕瓊瑤足三春膏澤多魚龍紛陸海宮闕罩曼陀琪
樹懸金朶丹葩綻玉柯平添燈信景預卜麥秋和閃鏢
搖冰蘂輕盈鬪火蛾姮娥不讓節半夜擘雲窩

正月十六日賜宴聯句

御製玉甃銀蟾滿魄圓禁城不夜豔陽天傳柑宴樂鷓行

集

撒荔筵開鳳侶偏一道垂虹朝貝闕雙葩結燄慶

犧年氤氲有象洪鈞轉

臣鄂爾泰

靉靄成陰瑞靄聯碧

落烟消十月映紫瀾風定萬珠妍仙萸葉乍飛瑤

砌

臣張廷玉

火樹花繅耀采椽只爲德隆星晷順從占

福履洛疇全康衢輿誦豐亨會

臣福敏

御製嘉夜同歌燕衍篇霏靡冰荷趺萼煥崔巍崑嶠鳳鸞

翩裁羅撥蕊偷春豔

鏤翠成林濯露鮮
馥馥蛟鱸香篆細
遲遲虬箭漏

聲傳御廚絡繹分珍膳

臣徐本

中使頻仍擘綵箋百

未蘭英催送琰九韶
嶰管慢隨絃鸞刀
細劊蓬池

膾

臣任蘭枝

翠釜徐行渤海鱣
歌雜早鶯吭宛轉
舞搖

綵鳥態踰躑魚龍
曼衍紛呈巧

臣陳惠華

御製鳧燕焜煌倏自燃
侈志素知懲甲煎
憂心未釋憶淮

塹因祠青女占農事

咸秩宛平陵佇吉蠲
五色非煙香界郁
一輪如面

慶霄娟同依妙鬢雲中住
臣張照 恭得光音天上禪

涵日鎮依真帝所御風直到紫皇前優容小語華

裊列臣阿敦驚捧

鴻章綵壁駢鳩鵲樓頭鏘玉珮芙蓉殿裏撤金蓮今朝

即席承

恩渥臣蔣溥

御製 令節稱觴戲彩便珠樹遙窺翔麝月珉宮忽訝聚梯

仙君謨七盞焉同此

玉女三漿洵有然春讌漫教榮李嶠星槎不羨度

張騫瀛壺早覺初風暖

臣梁詩正

簫鼓應知九陌闌卜

貴相將探白繭宜男綽約試新蟬堯樽錫福人皆

醉

臣汪由敦

農瑟迎鮒物並甄魚藻蓼蕭諧雅什日華

雲縵紀祥編欣叨授簡鳴歡豫

臣德齡

御製詎爲逢年弛敬虔映座宵明釐鼎屬沿堤春到柳蔕
綿隨時納悃思蒙正

顧影銜恩祝壽錢花信頭番梅戴雪詩牌聯咏日

移旣風光依舊如三五

臣鄂兩奉

空照由來徹大千比

屋年年歌樂歲法宮旦旦凜深淵土膏覘起農祥

正

臣張廷玉

暖律依韋泰簇宣方貢風車通火徼來同

黑齒並朱鳶朝正屬國趨王會

臣福敏

御製行慶當陽奉化權杓指始青旋北極麥含三白潤東

阡敢誇嘉會交成泰若惕時乘志體乾

題王原祁雪景

宣紙一幅剛尺一中有千山高律萃摩挲象軸認蟲文

喜是麓臺老來筆麓臺年老筆亦老洗淨鉛華存秀質
當軒爲展玉屏幃別有石筍天邊出槎枒古木無萬數
蒼松葉在陰猶密盤折羊腸圍山腰替戾鈴聲飄塔室
憶昨盤山最上盤巉巖偶駐金吾蹕謂當積素復來觀
旋念執事增寒慄今朝披圖正雪後十四從知原二七
坐教心地足清涼把玩閒吟看折聖

春寒

積素滿皇州溝塍喜澤流
迫來春冷劇挽得臘寒留遲

覺風光好平添景致幽獨思畎畝畔于耜有妨不

填倉日

三五夕剛過二五始韶景色歸京宇銀田煙暖帶餘膏
春臺物樂含陽煦今日何日號填倉堆盤蔬餅雜粬粇
我聞俗尚貴隨時奚必典則咸叅古荷葉田田先夏風
玉芽戟戟金拌貯園亭已撤人日屏村里行聞社朝鼓
流陰宛轉入吟哦縱縱聲色婆須女從來耕九重餘三
此意殷殷銘心所但令萬戶足倉箱導官故事由伊舉

雪消

墻陰猶砌玉池北
漸鎔銀晃日
渾無質
凝冰暫有鱗
敷爲大地澤
恰稱一天春
青女蕭閒甚
星河欲理綸

冰柳

滕六多應戀
化樞依留御柳且
斯須可堪眼
滴盈盈淚
無那腰寒捻
捻軀忽訝梅邨粘
粉帶低臨鏡
浦綴銀鬚
葢珠宮闕
琪花滿不限尋常
曲瘁株

御園早春

金瓶梅詞話卷十二
柳岸桃蹊未放春東風有信報詩人
苑葩誰與添顏色
一夜枝枝盡綴銀

莫道春遲春不遲
含韶景色已如茲
朝來靜對明窓坐
電影櫺光漸漸移

正月晦日作

剪罷宜春勝燃闌
太乙燈光風依蕙
轉淑氣與雲騰鏡
浦痕將泮瑤山色
尚凝漸看柳眼放
喜潑甕醅澄社燕
思營壘池魚已負
冰昆明留燕賞故
事有誰徵

春意

朝寒料峭暮寒如午
暄晴旭輝綺疏芳園
春事尚遲賞
惟念南畝將興鋤玉
積鱗腩膏澤足遺蝗
入地來牟沃
更思此象徧寰區到
處歡聲起茅屋

詠鰲山燈

駕山海上浮秉燭夜
中遊臘盡烘春麗崖
懸挽水流燈
王法輪轉蜃市化人
稠但使機心息蛻然
萬事休

二月朔日進宮

界道青郊御柳梯暖風燠日霽光霽依遲雪色綿將化
隱約禽聲嫩欲啼北極近看雙闕迥西山遙度數峯低
銀驄馭娑非無意喜味行行濺錦泥

二月初四日雪

遇閏節偏緩當春霰尚飄如留寒轉劇似惜雪將消入
夜飛蛾驟堆田碎玉饒東皇花信慢青女助瓊綃

二月初六日經筵

風色雲容淡沲春廣庭鷓侶列華茵欲衡今古惟時叙

藉澡身心與日新
別院漫傳花似綺
甫田喜積屑如銀

是月初四日雪

自慚致治非三五
夢想蕭曹房杜臣

是日講頌卦聖人養

賢以及萬民章

晴

天衣歸遐峯
銀蓋辭寒條
暄陽煦嫗之
百昌熙春朝
扇以明庶風
吹萬不刁刁
鱗媵深沃玉
潤漬如培澆
根莖已紐芽
昭蘇半及韶
富媪將侈富
行看物華撩
代謝何園轉
一息而一消
處其噫欠間
恒春安可要
及時披古

編席珍延大僚三懼銘在心得志毋或驕如彼服田農
時時勤耘苗

盆花

盆花炕作春羅植有數品異候可齊芳翻風而逗錦花
師欺女夷竊權亦殊甚不取蒼松枝謂比花容寢韶姿
詎久駐零落乃苒荏虬蓋撐懸崖落落挺寒凜人巧固
不牢奚若天所稟持以告蒼松蒼松其懃恇

仲春養心殿

焚燎煥晨煦春信歸候桃詖蕩雙闕開盜盜眄神皋平
秩塵子懷與物含甄陶身居九重上心爲天下勞

讀薛文清讀書錄

孔孟既云沒邪說浸昌熾祖龍焚坑之吾道益失墜漢
唐千載間孰爲傳道器宋氏正學明乃能闢邪說周程
與張朱前後緒相繼卓哉薛文清爲學知取棄獨宗五
子語可謂得大意茲讀讀書錄聿見平生志自云心所
開取以相劄記如香象度河步步皆實地澹泊味有餘

中庸行多愧所欽道聖賢文章乃餘事

題十二月宮詞畫幅二十四首

鏡樣月輝三五夜錦般春鬪綺羅叢米家燈勝沉香煎
映徹雲鬟半面紅

檀板鸞笙午夜酣獻椒纔過又傳柑夫人鉤弋新封號
麟趾螽斯咏二南

別院離宮繞曲池宮娥結伴許追隨春光二月過垂柳
不數緋桃越豔姿

集芳亭畔曉春寒
淄淄韶華取次看
小立沙隄渾不定
印來苔篆恰雙鸞

輕羅黃繖颺風斜
凭立高欄玩物華
望去彩橋名玉竦
簪來釵鳳號桐花

嬉春人競打秋千
婀娜腰支綵袖聯
畫板紅繩尚心怯
騎鸞底用學飛仙

四月清和萬景攢
金鈴常自護花欄
沉香亭裏人如玉
不讓花王是牡丹

辛夷初開春滿枝
甲帳流蘇睡起時
欲品煙花拈綵筆
却憂博士到來遲

朝陽閣裏恰端陽的
的榴花綻絳囊
親教官娥羣角黍
金盤射得許先嘗

綵縷蒲樽覆赭羅
猶聞別館按雲和
溶溶御水憑欄看
競渡龍舟幾箇過

晚移輕櫂學吳船
一片空明泛碧煙
誰道錢塘蘇小小
蘭舟羅袂似神仙

採蓮仙子泛清江
驚起沙鷗恰一雙
却喜拍篙新漲綠
臨風不用錦帆雙

樓號開襟乞巧宜
宮梧金井落來時
都穿針孔將心卜
未許身旁小玉知

果盤棕盒自陪從
苔砌行來露氣濃
莫爲黃姑愁寂寞
一年還有一相逢

瑤天露冷玉蟾蜍
十二增城帝子居
高閣漏長新得句
緩調平仄向空書

晚粧初罷翠蛾修
匝匝銀屏素月流
丙夜牌傳猶不寐
一年佳景是中秋

萬歲山前榭葉黃
携尊蓼菊過重陽
玉清高處誰能到
幾陣天風桂子香

秋雨初過菊蕊馨
折來枝葉愛青青
瓊英莫遣旁人見
欲進君王會景亭

天葩一夜綴瓊林
宮錦泥窓温室深
却爲初冬寒尚淺
携爐女伴幾迴尋


列屏山色白如玉凝鏡池光冷學銀屈戍重闌寒不到
香儔繡侶小陽春

翔陽輕逗午窓晴繡線工夫一縷爭爲近立春供御賜
錦囊書勅給公卿

天吳飛舞海波濤刺繡渾忘玉腕勞鏡戶團團長日裏
偷閒那肯賭金刀

春到宮梅第幾株一枝香插鬢雲都繡屏綵勝詞臣句
天上風光別樣殊

紅爐夜永篆煙微
一任窓前凍雪飛
內裏也知三白瑞
爭傳亞壠麥芒肥



御製詩初集卷十二

欽定四庫全書

集部

御製詩初集卷十三

臣 永瑤 恭 校

侍讀臣孫球覆勘

總校官原任中允臣 王燕 緒

校對官學正臣 李 巖

謄錄監生臣 李如梓

欽定四庫全書

御製詩初集卷十三

古今體一百五首

癸亥二

春冰

鼓鬯陽和金翼飛
逡巡黑帝已收威
曲池鷺立猜魚負
環浦晶明借日晞
何處如歸還有待
無須馴至始知幾
獨予惕若春冰涉
圖易思艱志不違

梅

瘦梅玉嫩爲燕樹破臘經春始半開詎借人工盆裏幻
端知天使畫中來社前燈後還疑雪墻角庭陰乍點苔
色與真香沁心所暮吟朝把幾檀徊

鑿冰放舟

春入湖心冰力弱東風料峭何曾著

諺云春風著人不著水

鏡掩

鸞光黯欲迷璧剖羊脂分來薄碌碌冰床聲已收中流
遲放飛鳧舟零澌碎凍不可亂亭臺寂寞榜人愁齊趁
午晴呼什侶曲鉤利戟長柄杵截方裁角片片瑩撐來

仍向冰中貯，忽疑銀浦泛。瓊珂錦帆飛，過太液波不比。
凌人載周禮，還如漢使窮。天河鑿冰已過二之日，匪納
謬門典，何出朝寒仍。復結琉璃侵晨工作，衝嚴慄吁嗟。
黃頭効勤良，可歎瘝手皸。足不忍看自今欲戒遊，觀興
瑤編獨對心神瑩。

微雨

春雲暗綠原，微雨灑黃昏。未洗花心膩，先滋麥氣元。
度柳烟無際，飄池雪有痕。含豪吟卜歲，凭几樂忘言。

敷澤恰宜春灑寒時作雪田疇膏潤足園林清景別綴
瓊梅沃心梳翎鶴彈舌眷言利東作欽承倍欣悅

春山

春山綠欲蒸春氣與雲騰積素留青巘遐心寄碧嶒寥
天雙去鶴古寺一歸僧卧對兼行詠無須蠟屐登

花朝

閏歲無非閏花朝未有花含韶遲麝蕊積素尚銀葩社
鼓鳴村遠春犁墮隴斜遐思東作始肯去問芳華

花朝無花之作

昨歲花朝花燦爛今年花朝花信慢
曉來佳節正春中
忽見花旛綴別院瑤華琪樹相鮮新
嫣紅姹紫枝頭約
坐令女夷增光輝何須綵剪陳家媛
韶華透漏已如茲
高閣丁丁報銀箭莫嗟畹圃少芳菲
會看紛紛亂如霰

春夜聞雁

漫遲春色蔚桃霞已有書空候鴈斜
試浴晴波翻翠縠
重眠月浦閃金蛇祇緣履信因思順
却似知時揔不差

雪點寒汀千頃白

是歲仲春
猶有積雪

夜深依舊認蘆花

柳色

嫩綠柔黃取次添
勾留韶色細眉尖
池塘日暖初臨水
庭院烟濃半映簾
比物只愁歌謝韞
銷魂誰解賦江淹
禁烟已近頒新火
好向村旁拂酒帘

賜江南總督尹繼善之任

淮沛今何似
災餘不忍言
邇來闕二鬴
誰與辦三殮
敢
新司農帑還祈大
造恩常春應舉趾
積潦尚留痕
民瘼

遐觀在心憂夢想存勉伊經畫策爲我活黎元

春雲

春雲黯黯春陰輕春溪溶溶春波明杏胎桃孕釀寒食
榆火紙鳶滿帝京遇閏風光偏婉婉東皇羽衛行來緩
春色遲遲總不嫌九十誰能一日添

草色

軟茵纔疊砌細毯乍周阿旭照初舍燠春迴久孕和帶
烟青腎絮無水綠生波子子
子子出潘岳射雉賦
子丑石反于耻錄反胎仙

過雙雙印隸科

賜河南巡撫雅爾圖回任

鳴珂辭魏闕迴轡指中州借爾丹誠罄俾予愷澤流農
桑圖治本保障爲民謀敷政何居要端惟不競綵

春水泛舟

綠浸樓臺水底明春湖初試一舸輕誰言鷗鳥無心者
也向汀洲續舊盟

覺生寺大鐘

雷紋隱篆蟲半字蘊洪銅
鐘上有法華經一部善吼周三界聲聞
具六通橫粉爲撞杵夏屋是乘風待扣何須扣當前悟
色空

御園仲春

柳唐靄靄曳烟梢竹埭森森罨筍勺新水蔚藍魚涉凍
遠林緝綠鵲營巢無邊生意歸芳甸有象清明繪野郊
小閣攤書玩周易體乾時復九三爻

春寫園林燦綺窗流澌已解漱琤璫養花天氣遲蓮漏

擘柳風光裊羽幢
別院漫催排宴賞
甫田旋念肇耕耒
幾餘只有詩消日
篆炷蛟爐焰吐缸

紙鳶

巧縛筍皮淺畫縵
乘風一線入凌兢
荀瓊黃鶴疑翔閣
墨翟飛鳶乍繫繩
五日冷然同列子
十年遲待異竒肱
南華第一篇曾讀
即此扶搖北海鵬

詣

暢春園問

安

鏡面湖光澹沲春雲容山態已宜人鳥矚魚頡清明候
鸞影猊煙長樂晨遲日有心徐入座軟風無力不生塵
瑤池信可瞻

王母一棹蘭舟達玉津

春日泛卧遊書室

閒雲縷遠空新水漲中泚幾餘弄桂舟盎然風物美書
室何必室汲古探幽旨時或眺西山卧遊足萬里魚知

春欲跳平聲鷗爲人驚起青青柳眉絲
媯媯桃孕葢蓬窗
踈密櫺條忽移電曷古人惜分陰固知良有以

寄題普覺禪房

春日題牋寄梵園雲房花木絕塵喧峰排千筍萬筍綠
桃綻朝霞暮霞繁大塊無文誰爲繪名山欲詠已忘言
苾芻漫擬詩禪看知爾難忘者個存

春日泛舟過北遠山村

山容染黛水澄泓面面江村畫意迎
遲日暖烟臨上已

輕陰微雨釀清明沿堤草色無中有拍岸波光坐裏行
寂愛鱗塍方脈起扶犁叱犢一聲聲

榆火村酥埜塢邊物含春意也嬋娟踈峰菴幕桃蒸綺
遠浦迷離雨作烟手卷畫中開別業水車聲裏過前川
敲詩饒有塵農意不是尋花問柳船

雨

微雨添寒峭當春却似秋洗花霞有脚度浪雪堆頭原
隰勻勻濕階凹活活流憑軒無限意樂事在田疇

鷗波千頃暗烟柳萬絲紫細睇曾無色微聞似有聲杏
園紅點纈苔阪綠抽萌况值清明近村村聽賣錫

桃花始開

已破仲春始見花山隈綺綻幾枝斜女夷借得東皇力
一雨催鋪滿苑霞

上巳篇

勾芒御化權姑洗統時月月之日元已良辰正明發蕩
蕩和風翔輕煙翠綠楊伊古脩禊事河濱慢褰裳華林

馬射會鳳光曲水讌徘徊念往昔流光信如電前旬夢
雨飛亭堦增春輝藉草爲茵褥依花懸幙帷礪磻樂聲
奏仙人進醇酎間間

間間出揚雄羽獵賦上間去聲

好鳥鳴似欲遲銀

漏俯仰多所欣須彌等微塵蘭亭王逸少又是一年春

問春風

藉爾催春葢無勞妬豔枝入園應檢點莫使一般吹

春風答

吹萬本無心更番豈有意一需一疾間爲風誠不易

春日登樓作

華扮煥晨曦微風吟玉笋芳園屆三月萬卉舒芬榮我
登高樓望望春春事并柳絲眉紙鳶榆火熟脆錫弄暖
牧兒笛踏青公子駢佳與物皆春差可釋心憑心憑安
可釋狂聖一念爭所以古哲人惴惴若履冰棐几堆芸
編古香散簾旌適然心有獲浴德兼陶情處上懷臨下
居高乃見明社燕窺文椀沉烟繞彩甍課無復責有觸
目歸吟評

古鏡

古鏡鏤輕雲無那楊妃垢一朝磨治之照物還如舊

燕

管領風光一剪齊花邊翻掠柳邊低何人却爲搦文幌
又得梁頭認故泥

竹

脩竹自成林森然圍戶庭玉色潤琅玕清籟戛竽笙當
春布始和萬卉欣向榮柔紅枝頭綻嫩綠坡間萌植生

無妍媸紛紛競形惟竹於此時葆光而韜英翠翠葉
欲乾瑟瑟枝遶青豔輸桃李華態謝棠梨輕綠叢染淡
黃似失凌霜勅卓彼歲寒姿凋萎豈其情況借青陽力
發生詎不能徘徊倚玉竿妙理入吟評譬之君子德不
與衆相爭

家鶴

家鶴唳松陰聲淒故不揚野鴈叫洲渚春宇隨翱翔胡
爲凌雲姿遶彼棲蘆行由來受羈束只爲飽稻梁垂飛

翅已剪待飼頸空長
彈舌弔水月念結烟霞鄉
世事有如此對之增慨慷

鳴玉瀨

無風松謾謾有月金樅樅
玉女洗頭盆瀉作芙蓉江
林麓自瀟灑烟嵐多變態
飛流下十尋蒼然玉珠碎
長虹飲素練圓潭澄見底
時來聽清泠塵念一以洗
澗壑誠沈寥松篁復蕭颯
把筆坐石頭林泉相問答

春日御園閒咏

榆烟寒食候杏酪養花天波漲魚兒躍窗開燕子穿詩
題春與富畫意景增妍蘭擢隨堤轉仙家別一川
瓊華樓畔柳窳地是黃金日煖花蒸霧春深鳥弄音湖
山多靜氣松鶴空塵心一卷南華趣忘言獨與尋
苔甑鋪綠毯桃塢簇紅霞樂與物華共靜知春事嘉端
溪供晚咏顧渚試新茶思到深耕處吾悰詎有涯
萬物向芳榮乘時也暢情詎能忘慄慄藉以驗生生消
息否而泰循環利與貞懷安懸炯戒勤政訪名卿

十駿圖歌

羣空冀北星輝房天閑十二有驪黃赤汗流赭太一况
叶就中寂數萬吉驪龍颺鳳聳誠昂藏驂駟闕虎威武
揚四蹄踔踔騰康莊玉獅子貢自法王超跋躡景馳掩
上叶花間敲句移銀床俊逸尤讓霹靂驥權竒倣儻孰
能方龍沙一馳殪千狼是爲渥洼產中良雪點鷗臂三
冬涼狐兔奔避雉雀惶有驕有驕自在名叶朝驚蜀越
夕齊梁徒傳魯牧駒有皇奔霄在鐵駛異常不須鞭策

追星芒赤花鷹來大宛鄉磊落獨步驥子英叶翩翩鸞
鳳雲中翔簫雲之馭馴且剛百里底用宿春糧嗟予無
德御萬邦肯學八駿窮八荒凜乎朽馭刻敢忘來賓用
誌祖澤長金輅玉仗開闔閭田車弗駕坐明堂驅馳樂
圃遊禮場六龍時乘受天慶

詠瓶中蠟梅

蠟梅臘月開得名所以乃朔地節候遲頓使花信改宿
雪封腰支和颺綻蓓蕾香後塢旁桃榮共溪邊窻花師

並無藉春風則有待名實不相稱知音幸勿臯

桃

尋芳遲見錦苞開
傍陌沿堤日幾迴
馬上相逢花使者
分明報道豔春來

和嬌幾樹弄春融
撩眼詩題曲檻東
最愛柳枝低拂處
綠雲欲變曉霞紅

依舊元都觀裏花
碧闌干外一枝斜
可知人面原常在
當日春風漫自嗟

軟房輕貼嫩髮懸寄語封姨莫妬來誰似武陵溪畔樹
不教香雪糝紅埃

李春日清暉閣疊前韻

春去春來客路轅女夷雅解返花魂
枳振旭影遲珠箔
燕雀風光獵網軒鼠尾麝煤梧几靜
松濤蟹眼茗爐喧
如酥脈起初耕便消得

思膏自御園

入春雪澤霑足東作有賴
不似去歲有雲漢之憂云

木筆

豔冶風光鬪綺寮
安排木筆詠和韶
描來春色三分易
掃出青山一帶遙
鼻觀靜時檀馥郁
眼花迷處玉鏤雕
漫言閨月遲芳候
識得清明肯讓饒

攜餅擷芳

攜餅擷芳華
滿院春光駘
云胡尚拘墟
却向花間採
折柳傷生意
拘花得毋乃
粉蝶惜墮芬
翩躚逐飄蕾
有人怪蝶癡
已却不知悔
試看去年春
依舊枝頭在

清明

綠態紅姿弄午晴春臺萬物樂生生烟騰村突新榆火
香滿雕盤脆蔗錫柳眼青迴看被楔花心錦疊鬪清明
天公賜與詩題夥只爲東郊利用耕

往歲清明春欲闌鶯聲已老花枝殘今年閏月節殊緩
韶色正濃風信寒燕壘每尋原棟砌蜂衙多傍麗叢攢
倦遊小閣攤書坐物茁民熙入靜觀

清明後一日漫作

清明微雨雜微風孤負韶華滿苑紅今日晴空三萬里

遠山都入畫圖中

湖山佳致暖烟饒
稚綠媽紅態鬪嬌
看罷紙鳶嘗過酪
閒吟準備送春朝

東風吹綻含胎蕊
喜攬芳華入吟裏
溪畔刺舟還悵然
已有落花貼流水

甫田宜雨復宜晴
麗日云胡不暢情
七字賦餘還自哂
今年吟興太狂生

題周鯤山水冊頁

近村綠樹濃遠岫白雲封野竹纔浮水幽人獨策筇湖
山饒靜賞桃柳貌春容寂愛西隄上時時此景逢

我愛大癡筆烟雲無匠痕畫師求罔象之子得其門買
夏身堪託名山價可論只疑叢薄處啼老數聲猿

開籠放鶴去心與鶴俱遠朝遊風韻松暮止雲歸巘素
霓裁衣裳丹砂作餐飯是爲山中人高歌謝黻袞

欲識山爲米須看樹是茄遙峰殊蘊藉深谷亦嶮呀微
雨暗前浦東郊利早勑牧童牛背穩橫笛髻兒丫

瀑布半空垂香爐春靄時幽人跌膝坐童子抱琴隨玉
筍天邊矗菱花鏡面披分明山水趣山水是鍾期

坐著愛蓮說遊撐訪戴船春光消六月人世有三天灌
木吟空籟晴郊散遠烟何須大小隱對此俗塵捐
試問秋所宜宜秋惟有月浴光漾澄潭弄影搖踈樾東
林和露冷西嶺隨煙沒高閣倚吟人撚髭逸興發

柳下繫漁舟柳陰醉漁父有酒團圞飲無節娑娑舞澹
澹前溪雲微微後溪雨只愁乏銀刀繒網閒來補

誰知盈寸楮中有萬重山
秋嶂容常秀霜楓色欲殷
溪亭幽逕接古寺夕陽閒
把卷長吟客黃庭獨掩關

丹青妙手者繪水能有聲
雪景伊人作寒光滿座生
鬢髮琪樹糝匝匝玉屏橫
策蹇非尋句誰歟利與名

雨

和氣當春洽甘膏傍晚零
初飄千點白乍失萬峰青
妙洗桃心膩平添杏蕊馨
新疇渾可望踈竹却宜聽
生意資沾溉煙容接窅冥
漲痕侵碧沼綻萼照紅檣
樂豈緣

花圃情應寄麥町欣承明賜溥暢若對圓靈

年來

年來詩思如春草芳意淒迷待雨生詎比騷人工覓句
還同田父只知耕半畝綠水菱花對一幘青山畫幅橫
消得丁丁銀箭永不教幾暇惹閒情

春日同誠親王和親王遊宴御園作

偶乘芳候遣幾閒樂事天倫禮法刪春半園葩開笑鬢
雨餘山翠濯烟鬟風經錦埭香猶細鶴步蘭皋篆欲斑

却喜綠塍千頃潤，稍紓雲漢賦民艱。

雨歇芳林萬綺紛，緣溪紅映碧波文。
欣浮桂舫同追景，何異芸齋共樂羣。
百和濃香薰豔卉，數峰輕縷帶歸雲。
今年膏澤叨

靈貺，敢懈祈年夙夜勤。

杏

錦苞照青陽，雪蕊含宿雨。
弄姿上吟箋，攄豔當朱戶。
偏宜傍酒帘，詎解引漁父。
無語惜春心，脉脉自媚嫵。
落英

飄晚風時共春駒舞

春朝吟

錦叢繡徑蒸香霧沈郎錢自榆房鑄綠茵十里醉東風
禽聲彙色形春趣百昌欣欣爭及時吾民饑寒孰使之
古來哲后凜明旦予雖不敏遑耽宴

移花

脈土滋春膏嘉種無不宜偶用省耕暇移花課花師園
卉日以夥位置殊參差或芳隱岩下或醜露阿垂或以

蘭蕙質荆棘乃蔽之隱者出諸數蔽者植之達叢生醜
露條斤斧稍剪治遵彼除莠訓詎爲傷仁慈須臾各得
所而吾心乃怡霏霏甘雨沾澹澹和風披不枉
大造恩對之有所思所思知花易人兮豈易知

題張雨森摹沈石田山水幅

吳中沈周清狂客雨森筆似人亦肖幾暇恒欣觀繪事
生綃命寫秋山照盤薄全無意匠營兔毫直掃凌雲嶠
黃葉紅葉鏤丹峰松梢錯出空王廟策杖幽人步板橋

扁舟獨弄任公釣六角溪亭俯碧流誰歟坐愛清江眺
讀書萬卷下筆神不獨詩然畫同調雨森勉叅詩畫禪

會當示汝無形妙

雨森頗能
詩故云

梨花

含姿映瑣窗弄影臨芳埒娑娑媚曉風裳裳酬令節瓊
葩比梅豔姱朶方桃潔雅致入閒吟幽芬供靜擬庭院
引蜂攢畫圖宜燕頤偶來花下立徘徊不忍擷韶華詎
久駐會看霏香雪

聽唐侃彈琴

仙籟

名琴

平張梧几橫澄心試聽指絃聲古風猶見巢兮

燧哇律都刪琶與箏蟠蓋幾株吟韻謾垂虹百尺掛川
晴愧予未解南薰愠領取春溫和且平

輕陰

輕陰時作雨勝日信宜春天與淵連淨花依柳作鄰烟
鬢朝洗黛露靨午含頰沼殺迎颺絢峰屏帶霧皴課耕
來隴畔鼓柷過溪濱攬景昌昌麗拈題日日新非關詩

思富都爲

帝恩均追想昨年事寧忘夙夜寅

去年三春望雨夙夜
焦心花事無暇問矣

今歲雪既霑足春雨亦復應時湖山佳致不負春光而
追憶去年之憂旱詎以叨
天貺而弛乾惕耶

春可樂

春可樂兮樂時雨之既霑柳舒眉而洗浣花含笑以增
妍山丹丹其生翠溪淡淡兮拖煙綠針黃泥隴烏犍白
水田若有人兮重民天朝芳未賞夕秀寧寧知今春之

可樂豈去歲而忘旃春可樂兮荷大造之陶甄萬物皆
樂吾胡不然日復一日年兮百年

問津

昔有劉子驥慨然思問津太守胡爲者澄淵欲清塵俗
遠猶作蘭心營桂是榛退之乃達士亦謂神仙人不獨
桃源然東坡慧眼真實有鈔鑿溪孰不撰良辰

雨中梨花

捻捻腰支耐峭寒尋常那許畫中看太真院裏人如玉

小立春風淚未乾

番風十七到梨花無那遊蜂日報衙
列缺女夷俱愛潔
傾來珠露浴丹砂

落花流水篇

荏苒韶華過百六
羲輪電迅誰能逐
試探幻影繞花隄
還綴芳痕在溪澳
溪流宛轉曲復斜
刺舟追賞幽興遐
誰家亭榭無流水
何處風光不落花落
花流水春無賴
錦脂千片環一帶
武陵見說引漁人
天台幾度劉郎會

劉郎去後無消息漁人再尋尋不得殘英依舊戀迴波
辭枝恰借封姨力封姨非是妬豔春桑田海水遷移頻
乍令瓊姿淪碧沼不教玉質埋黃塵蜂衙蝶陣喧嘈甚
清流暫託叅無朕紅紫都來做一團李桃何必分兩品
西子湖邊紗獨浣天孫機上雲方滿亦有佳人欲黯魂
漫誇詞客紛撩眼愁人萬點曲江頭乘波綠珠初墜樓
盡道女夷嫁河若不須解佩通蹇脩鉛華洗盡芳芬調
忘言默契無形妙恍惚耆闍窟會時如來拈起迦葉笑

莊親王失子詩以慰之

撤瑟未盈旬騎箕遂永世於夷尚感傷况切屬離誼英
靈遊岱宗脩文侍天帝慰言輟沉痛深情制以義

天命義須安壽夭或有司不然西山下何以餓夷齊眷
言芝蘭摧撫衷寧不悲吾弟負不孝吾叔漫傷慈

傷慈亦徒爾一往不復還戚戚哭哀師坐令凋朱顏吾
叔善保軀努力爲屏翰緬彼泉臺閉潛焉涕淚沈

涕淚夫如何念昔同書窗誠擬圭璋器佐予理廟廊云

胡菁葱枝當春遽萎黃萬化自茲盡剩有空名揚
空名亦何裨沉憂令人老脆枯本如茲適去亦常道願
言加餐飯怒彼愁懷掃試讀南華篇殤壽錢彭天

洛陽令

湖陽公主帝所敬蒼頭倚勢恣強橫白晝殺人吏不問
執法却有洛陽令上怒華宣宣曰毋觸楹流血非狂愚
此頭可折不可叩汲黯之慙夫何殊文叔昔日多雄風
威不行令徒尊崇上笑謂主非所喻天子不與白衣同

恢廓大度中興漢得則多矣失亦半謂不宜誅華豈宜
何用賜錢三十萬君不見同時尚有韓司徒指天畫地
言麤踈賜錢禮葬胡爲乎

榆餅

新榆小於錢爲餅脆且甘導官羞時物佐膳六珍參偶
啗有所思所思在閭閻鳩形鵠面人此味猶難兼草根
與樹皮辣舌充饑諳辛不問肉糜玉食能無慙

題唐岱沈源合作應真圖

萬木森踈千嶂北中有那伽剛百八人驚偉貌各猙獰
智者默知謂狡黠彌勒何曾破六賊曇摩手不釋貝札
興來呼龍使作雨乘荷亂海嫌荷滑剖骨見佛似老僧
老僧若似將來殺魔王震懾天龍踈於菟扣額環狸豹
指頭幻作乾闥城堪容世界如塵刹無始劫來補衲衣
不知皮骨翻剝割獄神受戒何所授香象馴擾如童牽
波旬閱多肩筍輿方寸未服其視眦楚猿一旦離林木
爲伊摩頂頻吐吐琉璃餅插青蓮敲錢大靈龜抱根活

天花亂落不着身石頭諦聽塵緣脫支提十尋袒臂攀
能仁忽現鍵鎔鉢衆生有生佛無生無生無圖圖豈達
前有龍眠後雲鵬不萌枝上添藤葛披圖題句聊復爾
肯向僧維稱捧喝

四月朔日作

闌珊紅意別芳叢綠蔭新看覆薜桐欲挽春光真逝水
儘饒詩思亦飄蓬魚跳平聲弱藻亂前浦燕逐飛花點太
空鼠尾麝煤消畫永不教塵翳上丹楓

撥刺吟

撥刺復撥刺迴塘淥波活藻荇纒梳翠澄鮮液池濶錦
鱗識節候遊泳其尾鱖如鳥孳春日如鹿鳴秋末萬物
各有時至理不可奪惟人秉寂靈冬裘而夏葛此中苟
有蔽彝倫反不達所以聖人道食飲於饑渴

壽祺皇貴太妃輓辭

吁嘻塵世間流光一何疾

太妃享遐齡

時壽七十有六

亦復返天一陳觴奠酒漿淚自痛

賜出言念培育恩余哀曷有極

曩余侍

聖祖孫行特蒙寵承

命煦嫗余

太妃恩實重孝

養已無方

懿範獲承奉朝來觀素幔潛焉涕如涌

如涌涕難收紛焉增百憂憶余髫齡時惟知梨栗求

太妃喜余敏余疾

太妃愁

淑靈侍

皇祖物化天同遊

蓬麻喻

蓬生叢麻中不扶而自直設長荆棘林支離困糾纏蓬
兮爾何弱麻兮實可則自立還立彼是謂君子德君子
貴自立端不如彼蓬不見峭岩上亭亭百尺松其直不

藉麻四時蒼翠同即使覆荆棘有日蔭童童豪傑不待
文覽物興無窮

玉卮謠

如脂白玉卮既琢復磨之成器擅工巧恢恢圓中規豈
以盛醇醪眠花醉月飛擬以薦明水玩褻非所宜更笑
博古家空爾什襲爲永惟無當戒三復實我師

清和二首

昨歲清和此日逢網軒桐乳綠陰重花香鳥語餘春色

暖翠浮嵐釀夏容
拂檻波迴如意鏡
隔林日永自鳴鐘
浦雲傍晚迷霞脚
麥雨農家望正濃

蜂衙蝶陣數昌昌
催得春光去渺茫
墨沼雲濃凝絮雨
筠簾風細引松簧
已排綺句吟韶景
怯著輕衫試曉涼
底識清和好時節
即看亞隴半青黃

丁香

丁香不解結疑愁
春欲闌堂堂九十過
四出枝頭攢豈
喜早夏來笑鬢開
玉顏覓句花下立
謂花具達觀戀春

春肯駐光陰
迅指彈幽香
引蝶翅繁蕊
泣露溥愁喜
兩不著迎風舞
白鸞女夷學
廬生一夢迷
邯鄲

朱倫瀚指頭畫松陰橫琴圖

抱琴松下
來獨坐聽
流水聲不
在絲桐却
在心與指
輾轉蒼龍
枝清泉流
其下無爲
調適人橫
琴一爲寫

披香殿

披香殿營自唐
諳諫却有蘇
世長謂是煬
帝之所爲
雕采鏤壁何
煒煌傾宮鹿
臺古豈無庸
主爲此非興
王太

宗聞之亦驚訝卿諫似直實多詐臣諫雖詐心則忠千
金惜費實可風雲龍風虎自景從泰陞詎與叔世同君
不見十六院開西苑裏當時朝士皆唯唯

御製詩初集卷十三